

南海先生詩集

二

康有爲著

康南海先生詩集二

商務印書館發行

明夷閣詩集

康南海先生詩集卷之四

後學東莞崔斯哲手寫

自政變出奔日本元老隈伯為適館授餐居
東半年名所館曰明夷閣自戊戌蒙難走英日
為秦庭之哭既不可得則自開口口會於美歸
省母病遂圖勤王起戊戌終己亥兩歲幽憂之
作都曰明夷閣詩集凡九十九首

戊戌元旦朝賀是日日食上避正殿散朝遇于晦
若禮部同游諸殿口占

日射觚稜暈紫環黃衣避殿散朝班記得曾携于晦若
中和殿上望西山

膠旅割後各國索地吾与各省志士開會自保末
乃合全國士大夫開保國會集者數千人累被
飛章散會謝客門可羅雀矣

八表離披割痛傷羣賢保國走徬徨從知天下為公產
應合民權救我蠻八俊三君自鉤黨周鉗來網巧飛章
書門幸免誅臣罪明聖如天賴我皇
以白太后乃得免否則
黨獄先起矣
劾章上上曰會名
保國何罪之有不

懷翁常熟去國

膠慶上意不達思為木草堂學者
於十一月十九日束裝將歸先是
常熟已力荐於上至是聞吾決行凌晨乘南海
館吾卧未起排闥入汗漫舫面行遂不獲歸及
常熟見斥焉又決行公謂上無孝：萬不可行
感遇變法且累知已未知天無何如也

膠州警近聖人居伏闕憂危數上書已格九闕空痛哭
但思吾黨賦歸歟早携書劍將行馬忽枉軒裳特執裾
深惜退亡蕭相國天心存漢果何如

八月九日在上海英艦為英人救出得偽旨稱吾
進丸弑上上已大行聞之一痛欲絕決投海寫
詩繫衣帶後英人勸阻謂消息未確請待之派
兵船保護至香港

時英總領事璧利南謁在廣州久慕我講學致力請教至

感其意

忽灑龍鬚翳太陰紫微移座帝星沈孤臣辜負傳衣帶

碧海波濤夜：心

梁任公曰戊戌之變羣賊自始欲甘心于先帝故六七月間日與訛言詆帝

疾大漸相驚以內各府已查大行典禮又撫愚民仇教之邪說謂南海先生曾以一丸進帝服之遂為所迷惘此等謠詠徧布輦轂併為一譚牢不可破其處心積慮則在還獲南海先生以旋即弒帝因歸罪于先生而誅之故逮捕時徇旨稱帝已大行其時上海道蔡鈞以此徇旨徧示各國領事各國領事無不見之故各國報紙咸報我國郵英領事往救先生即挾此徇旨行文申明有八月初五日大行皇帝遇害上賓之語先生親見之

痛幾絕此詩所以有帝星沈之句也而先生為英人所
救事出羣賊意外憚西鄰責言未敢遽行弑逆而收捕
黨人又苦無名乃一交而為謀國顧和國之說此說起
于八月初十日以後初難時無有也此詩根于英領
事此持偽旨寔為本素鐵征今者先帝已矣而憑几末
命猶未免杯弓蛇影微聞今修寔錄無一人敢存直筆
先帝之冤將永不能白于天下此矣謹寔記此見聞
以告良吏

戊戌八月紀變八首

今供其三乃懷徐東海及哀諸新參也

緹騎蒼黃徧九關飛鷹追逐浪如山我橫滄海天不死
猶在之罟拾石還

吾乘英船名重慶者往上海道出之罟泊船吾登岸徜徉拾石而返登萊

青道彭某奉追電時登輿往膠州膠省電急返烟台而
吾船已行矣乃命驅逐水雷艦飛鷹號來追以乏煤中
道返○梁任公曰先生以八月初二日奉硃諭命出京
初四日復由林墩谷京卿傳口詔促行初五日遂行初
六日而難作閉城大索而先生猶在天津也初六日午
乘重慶船發大沽其後之果上海兩處名捕竟脫於難
若或使
之焉

奪門白日開幽州東市朝衣血倒流百年夜雨神傷處

最是青山骨未收

哀亡弟幼博
藁葬北京

西夫子恒霍高博聞強記人之豪忠憤誤譚五王事

千秋遺恨豈崙奴

哀楊潯川侍御○梁任公曰侍御忠鯁出天性胸無城府時賊黨文牒同

在臺中屢以言相銛冀得搆煽口寔一日訪侍御力言東朝沮撓新政聲淚俱下曰慷慨道唐五王事侍御信之極獎其肝胆未幾文牒遂捏詞入告劾侍御有異謀此六月間事也雖上燭其奸黷之然蜚語日中卒至釀

大變

澧蘭沅芷思公子桂酒瓊茅祭國殤絕世英霸魂魄毅

鬼雄請帝在帝旁

哀譚復生京卿

抗疏維新冠九卿慙將薦剡累先生最憐七十老宗伯

沙磧冰天萬里行

懷李苾園
尚書

戊戌八月國變記事

磨：維新夢分明
百日中在嚴對宣室
哀痛起桐宮
旤水滔中夏
堯臺悼聖躬
小臣東海淚
望帝杜鵑紅

遮雲金翅鳥
啄食小龍飛
海水看翻立
旻天怨式微
哀哀呼后土
慘：夢金闕
千載龜黎恨
王孫有是非

吾君真可恃
哀痛詔頻聞

梁任公曰戊戌七月二十四日
上諭云全國人民皆上天

之所畀祖宗之所遺非悉導之康樂和親朕躬未定維
未為盡職又云使天下臣民共知其君之可恃
新業先傳禪讓文中原皆沸鼎黨獄起愁雲上帝哀臣
罪巫陽筮子魂

南宮慙奉詔

梁任公曰先生當國變將作時曾兩次奉
硃筆密詔第一次乃七月二十九日由四

品卿銜軍機章京楊銳傳出者第二次乃八月初二日
由四品卿銜軍機章京林旭傳出者兩詔啟超皆獲恭
讀其第一詔由楊銳之子于宣統二年詣都察院呈繳
宣付實錄館其第二詔末數語云尔其愛惜身體善自
保衛他日再効馳驅共
與大業朕有厚望焉
北闕入無軍抗議誰曾上勤王

竟不聞更無敬業卒空討武曌文痛哭秦庭去誰為救
聖君

住香港半月日本總理大臣伯爵大隈重信招游
令前駐中國公使矢野文雄電告九月十二日
乘河內丸遂東

海水排山通日本天風引月照琉球獨運南溟指白日
龍鼉吹浪渡滄洲

梨洲乞師曾到此，勃胥痛哭至於今。
從來祖水堪流涕，不信神州竟陸沉。

浴伊豆熱海，登魚見磯。

魚見磯頭孤嶼青，冥冥雲水見漁舸。
茫身世雙筇杖，莽乾坤一草亭。
熱海湧煙衝地上，怒濤捲石帶梵聽。
太平洋遠天遂近，夜驚波卻不平。

同梁任甫羅孝高遊箱根宿埴之澤環翠樓浴溫

泉

晚秋楓葉落紅翠滿山谷溪流蕩松風洪濤翻萬木長
橋卧澗坂湍激石碌々密林滴濕翠深碧不可濁紅橋
應幾重樓閣枕巖腹當暑士女游裙屐炫川縵我来已
孟冬夜就塔澤宿溫泉療百疾我心不可浴電光夜獨
照芳流清可掬秋心不能收隨之聽飛瀑

登箱根頂浴蘆之湯

天地大逆旅家國長傳舍斯人吾同室疾苦誰憐借萬
方凝秋氣閉戶誰能謝既入帝網中重：纓絡絳荆榛
蔽大道澗谷起寸蘗解脫非不能垢衣吾敢卸化身曾
八千惻怛又稅駕仲尼本旅人瞿曇乃乞者我生亦何
之磨劫更多暇信宿席不煖去住心無挂灰飛滄海變
時放光明夜

荒山走寒雲極目但白草莽：峰萬重悲風號日莫木

落樹枝枯冬深石骨老十里不見人但見鼙鼙舞忽覩
一壑松青：点孤島白屋傍中麓紅樓臨大道其顛二
千尺冰雪早寒苦登高望東海白波揚浩：日月所出
入大地渺吞吐抗首問天語上帝為吾顧茫：睨故國
悵：非吾土山鬼躑躅行美人迷徑路溫泉豈能煖冰
心誰可告僕夫感跼蹐信宿指歸樹

蘆湖樓望富士山

山顛積雪冬夏不化雲在中峯
在下倒影湖中澄鮮山絕誠異